



Inatsisartuni ilaasortaq Harald Bianco, Inuit Ataqtigiit

## Tasiilami inuusuttut suliffissaaleqinerannik akiuinissamut tunngatillugu § 37- mik apeqqummut akissut

26-02-2014  
Sags nr. 2013-079534  
Dok. nr. 1497314

Naalakkersuisut Tasiilami inuusuttunut sunik piviusunik pilersitsiniuteqaqarneri pilersaaruteqaqarnerilu pillugit apeqqutilliissutinnut Naalakkersuisut qujapput.

Postboks 1601  
3900 Nuuk

Tlf. (+299) 34 50 00

Fax (+299) 32 56 00

E-mail: isiin@nanoq.gl

www.nanoq.gl

### Apeqquut 1:

#### Naalakkersuisut Tasiilami inuusuttunut tunngatillugu sordiaat sulissutiginiarpaat?

#### Akissut:

Naalakkersuisut 15-18-inik ukiulinnut immikkut ittumik iliuuserisaat 2013-imi aallartisarneqarpoq, 2016-ilu ilanngullugu ingerlanneqassalluni. Qullersatut akisussaasut tassaapput ilinniartitaanermut, Kultureqaqarnermut, Ilageeqarnermut Naligiissitaanermullu Naalakkersuisoqarfik aamma Inuussutissarsiornermut, Aatsitassaqaqarnermut Suliffeqaqarnermullu Naalakkersuisoqarfik. Inuussutissarsiornermut, Aatsitassaqaqarnermut Suliffeqaqarnermullu Naalakkersuisoqarfiup pilersitsiniutiti sisamat kommunit peqatigalugit ataqtigissaarneqartut aqutsisuuffigai. Taakku tassaapput:

- 1) **Nunaqarfinni ikaarsaariarfinni aqputissiuussinerit** – nunaqarfinni innuttaasut suliffissaaleqisut aqputissiuullugit oqaloqatigineqaqarneri, nunaqarfinnilu inuusuttunik ornigussilluni aqputissiuussinerimik suliaqarneq.
- 2) **Ilinniartut tigusassat ilaneri** – pingaarnermik inuusuttut 15-18-it ukiullit ilinniaqtigiittussat pilersinniarlugit kommunit ilinniartunik tigusassatut ilassutissanik qinnuteqarsinnaapput.
- 3) **Atuagarsorfiunngitsumik ingerlatsinerit** – Kommunit ataasiakkaat tamarmik atuagarsorfiunngitsumik ingerlatsinerimut ukiumut 750.000 kr.-nik pissarsisarput. Namminneq najoqqutassat ilusilersussavaat, saaffiginniffigisallu tassaapput inuusuttuaqqat, meeqqat atuarfiannit aniinnarsimasut ilinniagaqanngitsullu. 2013-imi Kommuneqarfik Sermersooq aamma Timi Asimi Adventure suleqatigalugit Tasiilami atuagarsorfiunngitsumik ingerlatsineq naammassineqarpoq.
- 4) **Suliniutinut agguassassat** – 2013-imi Tasiilaaq inuusuttunut aasakkut tusagassiuutinik ilinniarnermut, namminersortutut suliaqartut assigiinngitsut suleqatigalugit naammassineqartumut aningaasanik pissarsivoq. Piareersarfiit ataanni suliniutinut assigiinngitsunut aningaasanik kommunit qinnuteqarsinnaapput.

2014-imiit aamma suliffissaaleqinerup akiornissaanut ilassutininik ilinniartunik tigusassanik akuersisoqarpoq, Piareersarfinni ilinniaqtigiinnik ilassutininik pilersitsinissamut, suliffissaaleqisut suliffimmi sungiusartinnissaannut assigisaannullu kommunit naalakkersuisoqarfinmut qinnutigisinnaasaannik.

Taakku saniatigut ilassutissatut aqqutissiuussisut atorfinitsinnissaannut Kommuneqarfik Sermersooq 1.000.000 kr.-nik pissarsivoq. Aqqutissiuussisut taakku sumi inissinneqassanersut kommunip aalajangertussaavaa.

NUIKI – Nunaqarfinni ilinniartitsinermik kivitsineq  
Ilinniartitaanermut, Kultureqarnermut, Ilageeqarnermut Naligiissitaanermullu  
Naalackersuisoqarfik aamma Villum Fonden peqatigalugit Kommuneqarfik Sermersuumi  
nunaqarfinni pingasuni ilinniagaqartitsinermik suliniummut atatillugu  
Naalackersuisoqarfik sammisanik akimuisumik suleqatigiinnermik ingerlassaqarpoq.

NUIKI suliniut Tasiilami nunaqarfinni marlunni Kulusumi aamma Kuummiuni, kiisalu  
Nuup nunaqarfiani Qeqertarsuatsiaani ukiumi atuarfiusumi 2013-2014-imi  
ingerlanneqarpoq.

Atuarfinni suliniutit nunaqarfinni ataasiakkaani tamani inuusuttunut 15-inut  
ilinniartitsinermik kivitsinernik imaqarput. Inuusuttunut 15-inut ilinniartitsinermik  
kivitsinerit inuusuttut inuussutissarsiornermut sammisaqavissumik  
ilinniagaqalersinnissaannut piareersarniarlugit tamakkiisumik iliuuseqarfigisamik  
aallaaveqarpoq. Taamaattumik ingerlassap naammassereernerata kingornatigut  
Kulusumit aamma Kuummiunit inuusuttut 30-t tikillugit illoqarfinni ilinniagaqarfiusartuni  
inuussutissarsiornermik ilinniakkamik aallartitsisinnaassapput. Tamanna Tasiilami  
Piareersarfimmi utaqqisunik ikilisaassaaq.

Tamatuma saniatigut pingaarnerusutut inooqatigiinnermi oqaatsitigullu  
piginnaasakitsuusunut inuusuttunut efterskolernermut højskolernermullu ilinniartunut  
tigususassanut suli amerlanernut kommuninut sisamanut tapiissuteqartoqarpoq.  
Højskolernissat Piareersarfiit aqqutigalugit tapiissuteqarfiusarput. Tamanna  
Ilinniartitaanermut, Kultureqarnermut, Ilageeqarnermut Naligiissitaanermullu  
Naalackersuisoqarfimmit aquanneqarpoq.

## **Apeqqut 2:**

**Tasiilami inuusuttut suliffissaaleqinerat akiorniarlugu Naalackersuisut sorpiaat  
aallartinniarpaat? Qaqugulu aallartinniarpaat?**

### **Akissut:**

2012-imi Inuussutissarsiornermut, Aatsitassaqaqarnermut Suliffeqaqarnermullu  
Naalackersuisoqarfimmit suliffissaaleqisunut immikkut ittumik iliuuseqarneq  
aallartinneqarpoq. Kommuninik suleqateqarluni aammalu kommuninit ilassutitut  
aningsaasaliiffiqineqartumik suliffissaaleqisunut iliuuserisaq ingerlanneqarpoq.  
Taamaalillutik illoqarfinni nunaqarfinnilu assigiinngitsuni piginnaanngorsaaneermik  
pilersitsinernut aningsaat agguataarnissaannut kommunit pisariaqartitsineri  
kissaateqarnerilu tunngaviupput.

Inuusuttuni suliassaqaqarfiup iluani suliffissaaleqinermik akiuinnermi ingammik inuusuttup  
ilinniagaqalernissamik imaluunniit suliffeqalernissamik ingerlateqqinnissaanut  
atuagarsorluni piginnaanngorsaaneq aamma sannavimmi/suliffimmik sungiusarnermik  
piginnaanngorsaaneq sammisarineqarput. Tasiilamut tunngatillugu 2013-imi aggustimit  
decembarimut inuusuttunut 15-inut suliffimmik sungiusarnermik ingerlatsisoqarsimasoq  
oqaatigineqarsinnaavoq.

2014-imi suliffissaaleqisunut iliuuserisap ataani inuusuttut 45-t

piginnaangorsaaffiginerannut assingusumik Kommuneqarfik Sermersuumut katillugit 2,4 mio. kr.-t immikkoortinneqarsimapput. Kommuneqarfik Sermersuup illoqarfinnut assigijngitsunut aningaasat nammineq agguaattarpai, taamaalillutik suliniutit assigijngitsut aallartisarneqarsinnaallutik.

Inussiarnersumik inuulluaqqusillunga  
Med venlig hilsen



Jens-Erik Kierkegaard